

E kenshi no ta pa pasa ley sino cumpli cu ne



Ex Minister di Enseñansa Marisol Lopez Tromp

ORANJESTAD—Ex Minister di Enseñansa Marisol Lopez Tromp a sostene e Ley Enseñansa Obligatorio y ta contento cu Aruba awor ta cumpli cu tratadonan unda ta pone derechon di muchanan na prome luga. Sinembargo esey no ta nifica cu e no tin su reservanan riba e forma con lo implementa e ley, pasobra e ta comparti opinion di SIMAR y SKOA cu falta hopi pa sigura cu e ehecucion ta exitoso. Ta trata di un ley cu tin 11 aña den preparacion pero cu tin un historia di mas di 50 aña, mirando

y exitoso. Aki esnan cu ta bay ta afecta pa e ley a expresa kico ta e problemanan ta.

"E kenshi no ta pa pasa e ley door di Parlamento, pasobra no tin ningun miembro cu ta contra Enseñansa Obligatorio mirando cu e ta un derecho fundamenta di mucha. Pero locual si ta lanta preocupacion si ta hendenan ta cla na scol pa implementa e ley y garantisa e calidad."

Despues di a tene e ehersicio cu tur stakeholder, a resulta cu pa e introduccion di un ley asina lo rekeri un inversion grandi. E tempo ey a muera cu tabatin mester di 9 miyon florin pa un introduccion den fase, unda ta inclui un ofician special pa sostene e trabou, e materialnan necesario, docentenan asistente, tecnologia etc. "Y den e ultimo dos añanan, no ta cla pa mi, con leu e Minister actual, Sr. Arthur Dowers a yega cu preparacion di e implementacion."

Lopez Tromp tabata kier un garantia cu tin placa y tur aspecto pa e implementacion debido y mas importante cu a prepara riba establece un miho relacion entre scol y mayornan. "Introduccion di e ley aki ta un bon momento pa analisa kico ta e expectativanan di ambos grupo. Hopi biaha may-

ornan ta spera hopi di docentenan y ta haya cu nan no ta haci suficiente, mientras cu docentenan kendenan ta sinti cu ya caba nan tin hopi trabou, tambe tin expectativa di mayornan y ta haya cu nan no ta participa suficiente." Lopez Tromp ta referi particularmente na mayornan di muchanan cu ta cay den e grupo vulnerable.

Den su concepto, ta importante awor pa sera protocolnan entre mayornan, docente y scolnan pa yega na palabracionnan, pa asina amplia e participacion di mayornan. "E no ta un secreto cu e ley aki lo nifica un peso adicional pa maestronan."

Ya caba mayoria scolnan ta traha cu klasnan mucho yen. Scolnan publico mester admitti tur mucha, sea tin papelnan of no, y esey lo tin consecuencia. No ta por nada cu scolnan publico mester di asistentenan den klas. E no ta un luho, sino un necesidad."

Motibo cu no a logra caba di traha riba e condicionnan pa implementacion exitoso ta pa motibo di cambio di Gobierno y e hecho cu Minister Arthur Dowers a haya cu e tabata rekeri mucho placa. "E Minister kier a bay corta den algun gas-

to, pero no ta cla pa mi unda el a corta."

Pero mas importante ta pa sa con docente y mayornan ta prepara. Pasobra no ta cuestion di tene un anochi cu mayor of un pamfleta di informacion. Mester mehora comunicacion, unda ta establece expectativanan bon cla, y esaki lo tuma su tempo.

Y tin ehempel di leynan cu a pasa cu pa motibo di falta di cumplimento di condicionnan ta e ley riba crèche.

No tabata prepara pa e Ley riba Centro di Cuido cu a pasa tempo di Gobierno di AVP/OLA. Parlamento e tempo ey a sostene e ley cu ta describi exigencianan pa un centro di cuido di mucha, manera nivel di conocimiento di e leidsternan, e rekesitonan fisico y di contenido cu un centro asina mester cumpli cu n'e. Sinembargo realidad a muera cu den practica, e ley no a traha pasobra mayoria centro of crèche no tabata prepara y no por a cumpli cu exigencianan.

No tabatin e control necesario y practicamente e ley a bira uno morto. E speranza di Lopez Tromp ta cu Minister Dowers lo percura cu e Ley di Enseñansa Obligatorio no haya e mesun destino. □